

UGOVOR O NABAVCI HRANE ZA UČENIKE PRODUŽENOG BORAVKA

Zaključen dana 24.01.2019 godine između:

1. JU „Šesta osnovna škola“ Ilidža- Stup, sa sjedištem u Sarajevu- Općina Ilidža, u ulici Bare kod Stupa 63, koju zastupa direktor škole, Teufik Muhibić (u daljnjem tekstu: Kupac).

i

2. MBA-Centar d.o.o. Sarajevo sa sjedištem u Vogošći, u ulici Hasana Merdžanovića 3, kojeg zastupa Asim Kraljić (u daljnjem tekstu: Prodavac).

Član 1.

(Predmet Ugovora)

(1) Predmet ovog Ugovora je nabavka hrane (doručak, ručak i užina) za učenike u produženom boravku JU „Šesta osnovna škola“ Ilidža- Stup za period od 28.01.2019. do 31.12.2019.

(2) Kupac i Prodavac su saglasni, da Ugovor realiziraju prema definisanim uslovima datim u Ponudi dostavljenoj po osnovu provedenog konkurentskog zahtjeva za dostavu ponuda za nabavku usluga dostavljanja pripremljene hrane (catering) sa kojom je Prodavac učestvovao u provedenom postupku.

Član 2.

(Cijena)

(1) Ugovor se zaključuje na vrijednost u ukupnom iznosu od 23.166,00 KM (slovima: dvadesetihiljadestotinušezdesetšest i 00/100 konvertibilnih maraka) sa uračunatim PDV-om.

(2) Isporučka hrane iz člana 1. ovog Ugovora će se plaćati prema utvrđenim cijenama iz Ponude Prodavca, odnosno 5,80 KM (petkonvertibilnih maraka i 80/100) sa uračunatim PDV-om za cjelodnevni boravak po jednom učeniku.

Član 3.

(Nepromijenjivost cijene)

Prodavac se obavezuje na nepromijenjivost cijena tokom cijelog ugovorenog perioda.

Član 4.

(Rok isporuke)

Isporučka hrane iz člana 1. ovog Ugovora će se vršiti sukcesivno i kontinuirano u toku trajanja ovog Ugovora i to dva, do tri puta dnevno svakim radnim, odnosno nastavnim danom.

Član 5.
(Način isporuke)

(1) Obaveza Prodavca je da hranu iz člana 1. ovog Ugovora isporuči u Sarajevu- Općina Ilidža na adresu JU „Šesta osnovna škola“ Ilidža- Stup , ul. Bare kod Stupa 63.

(2) Cijena isporuke hrane je sadržana u cijeni navedenoj u članu 2. ovog Ugovora.

(3) Kod isporuke hrane Kupac će vršiti kvalitativno i kvantitativno preuzimanje i kontrolu, te zadržati pravo, u slučaju neispunjavanja traženih kriterija, odustati ovog Ugovora.

Član 6.
(Viša sila)

(1) Kupac i Prodavac se neće smatrati odgovornima za kašnjenje u ispunjenju obaveza prema ovom Ugovoru, neposredno ili posredno, ako je zakašnjenje usljed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog Ugovora na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom Ugovoru.

(3) U što skorijem roku, nakon djelovanja više sile, a ne duže od dva dana, Prodavac detaljno obavještava Kupca pismenim putem o djelovanju više sile. U slučaju da se utvrdi da Prodavac nije u mogućnosti da ispuni obaveze prema ovom Ugovoru, Kupac ima i može koristiti, pravo na raskid ovog Ugovora o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

Član 7.
(Garancija)

Prodavac garantuje da će isporuka iz člana 1. ovog Ugovora biti propisanog kvaliteta koji je određen prema važećim standardima i certifikatima i obavezuje se da će dostavljati Kupcu odgovarajuće dokaze o izvršenoj kontroli nadležnih institucija ovlaštenih za kontrolu hrane.

Član 8.
(Specifikacija hrane)

Količine u zahtjevu za dostavu ponuda su okvirne količine usluga isporuke pripremljenih jela, s obzirom da se tačna količina nabavke za period trajanja Ugovora ne može unaprijed odrediti.

Član 9.
(Period trajanja Ugovora)

(1) Ovaj Ugovor se zaključuje na period od 28.01.2019.godine do 31.12.2019. godine.

(2) Ukoliko se jedna od ugovornih strana ne bude pridržavala odredaba ovog Ugovora, Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.

(3) Otkazni rok po ovom Ugovoru je 15 dana, a ugovorne strane ovog Ugovora se obavještavaju pismenim putem.

Član 10.
(Zaštita prava)

- (1) Sve nastale sporove Ugovorne strane će riješiti sporazumno, a ako to nije moguće spor će biti riješen pred nadležnim Općinskim sudom u Sarajevu.
- (2) Na sva prava i obaveze sporazumnihugovornih strana koja nisu regulisana ovim Ugovorom, primjenit će se odredbe zakona o obligacionim odnosima.


Član 11.
(Stupanje na snagu)

Ovaj Ugovor stupa na snagu danom potpisivanja od strane ovlaštenih osoba ugovornih strana a primjenjuje se od 28.01.2019. godine.

Član 12.
(Broj primjeraka Ugovora)

Ovaj Ugovor sačinjen je u četiri istovjetna primjeraka, od kojih svaka ugovorna sporazumna strana zadržava po dva primjerka.

Prodavac
MBA-Centar d.o.o. Sarajevo
Hasana Merdžanovića 3
Direktor



Broj: 432/15
Sarajevo, 25. 1. 2018.godine

Kupac
Za JU „Šesta osnovna škola“ Ilidža- Stup
Direktor škole, Teufik Muhibić, prof.



Broj: 02 - 55/19
Ilidža, 24.01.2019.godine